

Rasulullah Contoh Uswah Hasanah

Dirimu sosok manusia contoh uswah hasanah
Qudwah kepada mukmin dan mukminah
Menuntun manusia agar lebih terarah
Menjadikan dunia yang gelap menjadi cerah

Kita tidak pernah bertemu
Tidak pernah mendengar secara terus suci sabdamu
Untungnya para sahabat tika itu
Yang sentiasa ada dan setia bersamamu
Sama-sama bersamamu tika sukar yang menghimpit
Dan tika senang yang mengangkat
Itulah sahabat yang menjadi pendampingmu
Penasihatmu yang tulus dan setia

Dirimu tetap terus dalam jalan dakwah
Menyantuni umat dengan peribadimu yang jujur
Sejujur namamu semulia akhlakmu
Gelaran al-Amin tepat buatmu
Menjadi contoh buat sekalian manusia

Wahai Rasul penyeri timur dan barat
Permata hati sekalian umat
Salawat ke atasmu tidak pernah jemu
Semoga kita kan bertemu
Dengan syafaatmu dan juga kasihmu
Ya habibillah Ya Rasulullah



Nukilan

Rosjuliana Hidayu Rosli
Guru Bahasa Kanan, Pusat Bahasa Moden (PBM)
dan Pengetua Residen Pelajar 3
Universiti Malaysia Pahang (UMP).

- 154 views

[View PDF](#)